

皇清書史卷三十

義州李放撫園纂錄

入聲 一屋 谷祝 陸翰 陸郁 費卜

谷

谷元調字士和康熙元年進士官寶豐知縣精書法

豐潤縣志

谷凌雲字儀霄諸生工草書放筆如有神

同上

谷際岐字鳳來號西阿雲南趙州人乾隆四十年進士官禮科給事

中

包世臣撰狀云性耽作書出入於平原眉山而得其渾逸其稿草

不經意者尤工

谷際岐行書佳品上

國朝書品

陸

陸世儀字道威號桴亭太倉人明諸生私諡文潛

亦曰尊道

先生行楷極

精

木葉厥
法書記

陸從龍字五雲號吟只一號可菴華亭人明諸生私諡怡情先生

工書法

松江府志

陸貽典字敕先號觀菴常熟人

工書法漢隸尤勝

蘇州府志

吾邑自鈍吟先生後以詩字訓迪後進者有陸敕先陳在之

海虞詩苑

陸英標字彥威平湖人明諸生

善書

糖李詩繫

陸嘉淑字子柔號冰修一號射山又號辛齋海寧人明嘉興府學生

國朝薦鴻博不起

以書法名

居易錄

數歲能作徑尺大字

兩浙輶軒錄

書法蒼勁中時露豐艷

杭郡詩輯

按冰修爲查查田太史婦翁書負盛名嘗題汪舟次字卷誤用撥

鐙爲撥燈

上鐙字作馬凳解

陳香泉題其後有借問如何是撥燈之句冰

修見之憮然見漁洋筆記

陸

售字高仲錢塘人善書

今世說

陸光旭字始旦號鶴田平湖人順治九年進士由御史出爲江安糧道

山陰寶嚴寺孟禪師塔銘山西參議前御史陸光旭篆額釋名行

宣

越縵堂日記

陸光宙字巨石平湖諸生書法結構奇古時賢所不及有好事者求其書輒怒曰吾安能爲人作傭至富貴俗子厭斥尤甚故時人罕

得稱其妙

陳國政撰傳

陸廓如字天衢號椒山蘇州東山諸生書學文衡山

七十二峰足徵集

陸銓字公衡吳江蘆墟人能作蠅頭小楷手書徐師曾莫旦二吳

江志丹黃標識筆墨燦然

陸燿撰
行畧

陸 澐字其清吳縣人博聞多藏書手抄及千卷有朱存理錢穀之

風

蘇州府志

陸天錫字思順上海諸生文裕公六世孫工書得儼山家法遠近珍

之八十餘猶臨撫不倦

松江府志

陸 琳字右庭上海人書宗文裕家法兼得張東海之祕朝鮮人重

價購之絲毫不取

同上

陸隴其原名龍其譜名世樵字稼書平湖人康熙元年進士官四川道監察御史追贈內閣學士兼禮部侍郎諡清獻云

王昶題陸清獻公書餘齋耻言卷後云公不以書名而此書古質清勁肖其爲人所謂蓄道德而能文章發於不自覺者邪

張廷濟陸清獻公詩牋跋云公不以書學擅名故無巨幅其確然可信爲眞者惟簡牘之作耳予購之數十年僅有其與族人書一

紙然不署款也右壽詩金箋本端謹中露華亭筆意自是真跡夫
公爲國朝眞儒學行著述垂示寰區即一二行短札世已藏弃爲
榮況此帶名書一十六行紙墨完好不尤珍於球璧耶

龍啟瑞跋楊椒山先生書蘭亭序卷子云此卷入國朝有清獻陸
公題跋陸公不以書名而行筆特超妙於公固有沉瀟之合者古

來名人無不能書信哉

經德堂文集

陸祖修字孝武號敬峰一號愚山晚年皈心乾竺號老是頭陀青浦

人康熙十八年進士官山東道監察御史能書

青浦詩傳

陸攀字威咫平湖人康熙二十五年拔貢生工書

攜李詩繫

陸篆字少秦號滌村康熙三十七年拔貢生官清苑知縣書法力

追晉魏

興化縣志

陸箕永號詩城吳人官廈門同知

聖祖南巡箕永獻九峰賦召試行在令隨祭酒孫岳頒赴京再試

暢春苑命書大小字以進賜御書孝經衣服筆硯食物甚夥乙酉復遇南巡獻廬山賦賜監生入直武英殿食七品俸在翰林院行走纂修佩文韻府賜第於旃檀寺書成授綿竹知縣洵異數也

汀荻

錄

陸大癡逸其名字雲龍婁人善作擘窠書聖祖南巡獻策行在人目

爲大癡因以自號凡書扁聯輒署其尾曰大痴

松江府志

陸文然天錫子世其學

同上

陸震字仲子號種園攻行草貧而好飲輒以筆質酒家索書者出

錢爲贖筆

興化縣志

按仲子鄭克柔大令之師

陸詩字以言江寧人以習宋字供事蒙養齋書局考授州同學柳

書點畫無毫髮不似

望溪文集

陸瓚初名无咎一名廷瓚字虔實一作乾日銓子官保德州吏目

何發撰墓志云善隸書游何焯之門得其指授遂博綜正變各體並臻其妙

袁景輅云吾鄉以隸書擅名者有兩人沈笠岑以風骨勝陸贈翁以蒼古勝蓋沈之取法在唐翁則直逼漢體矣聞翁作書快意狂叫起舞不能自禁出游過山石可礱者大書深刻題名其下知翁因以千古自命者也

何子懷曰工隸書凡三變初學曹全史晨諸碑以流麗勝中變而風格峻整彷彿衡方尹宙諸碑再變爲奇古夏承祚伯其宗也晚年出入縱恣正變乖合無所不可遠近求者無虛日故其書徧海內

陸耀東顧新阡記云先人於書未嘗一日少輟摹西岳華山碑至三百餘通自書千字文稱是其他散在縑楮不計其數本朝自顧云美鄭谷口以來未有若先人之勤且多者也

又序萬九沙先生分隸偶存云先君子昔日亦酷嗜作隸每得漢人一碑臨摹不數百徧不輟持論以光和爲宗下此者弗尙也

又序張友桐隸使云先君子之學書自弱冠以還未嘗一日廢臨摹中歲得商邱宋尙書家華山碑雙鉤本立意摹三百通行世幼時以硬黃紙臨曹景完碑至滿一大櫝平日應人索書皆節臨古拓不得已乃自爲書亦必懸擬一碑故先君款識類有碑銘

王昶曰精分隸直入古人堂奧

阮元曰生平所嗜尤在漢隸臨華山碑至三百餘本令嗣朗夫中丞官山左時嘗以公手書徐幹中論治學篇刻石於濟寧州學筆法古勁足與諸漢碑相頡頏也

陸虔實如韓康賣藥守價不移

國朝隸品

方朔曰邇時學華山碑者有陸蘆墟予獲其縮臨一百第一本石刻字大不過三分而神氣迺古直是具體而微

陸瀛齡字景房上海人雍正元年拔貢官石埭教諭署知縣善書法

松江府志

陸宗維字維水號蔚庭嘉定人雍正元年舉制科力辭詩文行楷悉

合先民矩矱

練音初集

陸祖錫字念劬平湖人雍正七年拔貢舉鴻博書摹褚永興

鶴徵錄

按褚永興或是褚河南之誤否則褚字當是虞字原文如是姑仍之

陸廷錕字德純號瑤圃嘉定諸生能書

練音初集

陸廷鏞字聲遠號慎齋嘉定太學生臨池賦詩並爲名流推許

同上

陸昌時字運承平湖諸生工書法

張雲錦撰傳

陸明睿字若璿一字文玉別號無聞生華亭諸生工分隸

松江府志

工隸書

緒南筆談

陸思誠字希正上海歲貢生晚歲鈔書自課小楷盈篋

上海志

陸琰卓字蘊渠一字運鯤號東村別號頽石翁嘉興人

善書學魯公

梅里詩輯

陸時化曰臨摹米帖已至入室

吳越所見書畫記

陸秩字賓之號抑齋仁和人乾隆四年進士官工科給事中善書

不肯貌襲古人亦不刻意一家興到筆隨動有奇氣

兩浙輶軒續錄

陸廣霖字用賓號補山陽湖人乾隆四年進士官恭城知縣署百色

同知四十五年卒年七十有五

陸繼輅曰先君書出入平原華亭間流傳甚少

陸耀字朗夫號青來瓚子乾隆十七年進士官湖南巡撫

陸應榴哭陸朗夫中丞五言排律自注云尊翁虔實先生精隸書

公能繼其學

陸惇宗字望之號莆塘青浦人乾隆二十一年舉人官閩縣知縣篆

隸尤工

青浦詩傳

陸 驂字白義號左軒善書楷法率更行摹山谷尤工狂草有龍蛇
天矯之勢兼工文世罕知者嘗鑄私印云逸少文章字掩將爲人
謙退和平書與鄭燮顧子觀埒鄭顧沒後膺本紛紛惟陸書不能

僞也

興化縣志

書法懷素

揚州畫舫錄

陸元李字聯郭號緘齋書瘦硬有神擘窠尤善

興化縣志

陸 立字竹民山陽諸生工八分

淮安府志

陸長發字香筠上元副貢生

工書

江寧府志

陸鴻繡字春谷青浦人工書法

明齋小識

陸思誠字希正上海歲貢生工小楷

松江府志

陸紹曾字貫夫號白齋吳縣人工篆隸書精於賞鑑余幼時喜八分
嘗師事之先生平生所見書畫碑帖皆爲抄錄成編凡二十四函

曰續鐵網珊瑚曰吉光片羽曰不惑編名扇錄又有游杭書畫錄刻碑姓名錄及捧雲籠煙記之類皆作小楷書其精勤於翰墨如此畢秋帆尚書以千金購得之

履園叢話

擅分隸

金石學錄

張燕昌曰作飛白飄逸有神

芭堂印跋

自鍾鼎古文下及八分行楷靡不研究尤工蠅頭八分有人勒之盤盂几硯以進御純皇激賞之八分之爲蠅頭自白齋始一時聲價大重學八分者多師之晚年尤好飛白有飛白錄二卷

歐陽漁話

陸甲林字縉喬高郵人乾隆五十四年拔貢書學顏平原

揚州畫舫錄

陸 坤驂子亦能作懷素體

興化縣志

陸維垣字臯叔一作臯旭號者山琰卓子秀水籍貢生

工書法

海里詩鈔

陸元溥字季海號少室吳縣人工小楷書

吳翌鳳懷麓集

陸九齡字佩鳴元和諸生工書法

蘇州府志

善評書

二林居集

彭續贈詩云善書聞國都千金無可致

秋士先生遺集

陸以康字敦士長發子諸生亦工書

江寧府志

陸元錚號薌昀桐鄉廩貢善書尤精隸法

兩浙輶軒續錄

先君子精八分書法求者至集應之無倦

冷廬雜識

陸成棟字邁倫號芝雲蕭山諸生

以能書名天下縱橫變化不拘一格

永興集

陸介眉號方山元和諸生工書手寫其師吳兼山紅雪山房詩鈔刊

板行世

抱竹居檢書記

陸筠號瓠尊本貫吳江寄居秀水精抄舊籍至老不輟

暴書雜記

陸隆字用昇以字行別字厚齋宜興人善行楷書兼法趙子昂董

思白子與喬亦善書

吳德旋撰傳

陸 繩字直之號古愚耀子官山東主簿

秉承家學隸書直逼漢人

小滄浪筆談

陸繼輅字祁孫號修平一號季木廣霖五子嘉慶五年舉人官貴溪知縣

方朔曰本朝工摹石鼓以完白山人爲空前絕後繼此者張皋文兄弟吳山子陸祁孫諸君亦稱能手

陸 炯字照巖號遂村一號駕三平湖人嘉慶二十五年進士官光化知縣

工書

杜文瀾曼陀羅閣瑣記

陸 檉字冰菴晚號栖谷老人海寧人候選布理問少工書既得見孔繼涑桂馥從之講貫書益工

甘泉鄉人稿

陸 燿易名損之號東蘿吳縣諸生

戈載感舊詞序云小楷精妙兼歐褚之長

翠徽花館詞鈔

損之爲士禮居寫汪本隸釋刊誤刻板

書林清話

陸紹景字念初號研北吳縣

一作元和人

工書爲李福入室弟子福書由虞褚以逮晉人紹景書亦於虞褚

尤深從游者至四百餘人

蘇州府志

陸與喬字子卿隆子字體奇逸

宜興縣志

陸宗麟字銘軒太倉人道光八年北榜舉人官江浦訓導工楷法

江寧

續志

陸長春字向榮號瓣香一號簫士烏程人道光二十四年副貢工書

法

兩浙輶軒續錄

陸增祥字魁仲號莘

一作星

農太倉人道光三十年第一人及第官辰

永道加布政使銜幼見父

放按名樹薰舉人

作篆籀書效爲之父喜授以

六書之學輒通曉其義著篆墨述詁古今字表八瓊室金石補正

等書

俞樾撰墓志

陸一鈞字秉之號一哉

一作齋

晚號尙左生海寧監生中年以右臂病

廢習左手書摹鍾王極古媚可愛

杭郡詩三輯

陸雲程號澹園諸生工小楷

無錫縣志

陸聰應字小晉繼輅孫

陸繼輅曰完白山人篆書橫絕千古代起者張皋文惠言吳山子

育也近日少年中憚彙昌子辨薛仲德可久莊又朔稚莫吳咨聖

俞及余孫聰應皆羊毫懸肘縱橫莫當駸駸乎追山子而及之老

輩秃筆之陋庶幾一洗矣

合肥學舍札記

陸堃字簡庵蕭山歲貢

陶濬宣曰君爲芝雲先生孫以能書世其家

陸士樸字少華無錫廩生有書名邑中禪房神廟多其扁聯而收藏

家少留其跡

書畫家筆錄

陸潤庠字鳳石元和人同治十三年第一人及第官至大學士諡文